

BEASAINGO UDALA

Dirulaguntza deia: EUSKO JAURLARITZAK EMANDAKO GIZARTE LARRIALDIETARAKO LAGUNTZAK BANATZEKO UDAL IRIZPIDEAK 2021.

Argitara ematen da deialdiaren laburpena dirulaguntzei buruzko azaroaren 17ko 38/2003 Lege Orokorrak 17.3.b eta 20.8.a artikuluetan ezarritakoari jarraituz. Testu osoa Dirulaguntzen Datutegi Nazionalen kontsulta daiteke: (<http://www.pap.minhap.gob.es/bdnstrans>).

1. Dirulaguntzaren xedea.

Gizarte-larrialdietarako laguntzak aldian-aldian emango ez diren prestazio ekonomikoak dira, eta horien hartzaileak hauek izango dira: gizarte-bazterkeriaren egoerak prebenitzeko, saihesteko edo leuntzeko beharrezko diren gastu espezifikoak –ohikoak zein apartekoak– aurre egiteko behar beste baliabide ez duten pertsonak.

2. Dirulaguntza eskatzeko bete behar diren baldintzak

- GLL kontzeptu bakoitzeko gehieneko zenbatekoak Udal honek onartutakoak eta argitaratutakoak izango dira. Kontuan hartuko da familia bakoitzari dagokion laguntzaren ehunekoa, 2022ko otsailaren 23ko Aginduaaren baremo ekonomikoaren arabera (EHAA 2022-03-07).
- Gizarte-larrialdietarako laguntzak diru-laguntzak direnez, horiek emateko aurrekontu-kreditua beharko da.
- Lehentasuna izango duten gastu espezifikoak honako hauek izango dira:
 - Alokairu gastuak.
 - Etxebizitza lortzeko kredituen interesen eta amortizazioaren gastuak (hipoteka).
 - Energia gastuak.
 - Ohiko etxebizitza izan eta mantentzeko gastuak.
 - Oinarrizko premien gastuak: Kurtso eta formakuntzetarako garraio gastuak.
- Ondoren aipatzen diren gastuei dagozkien eskaerak, hiruhileko aztertuak eta ebatsiak izango dira eta, kasua bada, ordainduak urteko gastuaren aurreikuspenaren arabera eta kreditua badago:
 - Altzarien eta etxe-tresna elektrikoen gastuak.
 - Ohiko etxebizitzaren egokitzapen, konponketa edo eta oinarrizko instalazioen gastuak.
 - Oinarrizko premientzako gastuak.
 - Aurretiaz egindako zorpetze gastuak.
- Laguntza eten egingo da erabiltzailea/familia ez bada aurkezten jarraieko bi hitzorduetara justifikaziorik gabe.

- Bi ibilgailu edo gehiagoko jabeen kasutan, ez da GLLrik tramitatuko; eskatzen badira ukatu egingo dira. Laguntzen onuraduna izanik egoera hori ematen bada, laguntza eteteko arrazoia izango da .
- Onuradunak/familiak dokumentazio faltsua aurkezten badu, ukatu/etengo da diru-laguntza eta ezin izango da berriro eskatu 6 hilabete pasa arte.
- Onuradunek udalerritik kanpo ateratzeko gehienez hilabete bat edukiko dute urtean zehar. Epe hori baino gehiago ateratzen bada, diru-laguntza etengo da. Joan aurretik, aurreko egunean Gizarte Ongizate azpi arlori etorri beharko dira dokumentu bat sinatzera, baita bueltatzerakoan ere. Horrela egin ezean, eten egingo da diru-laguntza absentziak irauteen duen bitartean, eta ez-betetzearen zigorra aplikatuko da.
- Onuradunak/familiak bere ohiko etxearen donazioa egiten baldin badu, etxearen balio katastrala kontutan hartuko zaio “diru-sarrera atipiko” modura.
- Onuradunek betebeharrak eta ekintzetarako konpromisoak bete beharko dituzte, GLLko eskaera egiten den momentutik.
- GLLen betebeharrak eta/edo eskaeran adierazitako jarduerak egiteko konpromisoren bat betetzen ez bada, laguntza eten egingo da gutxienez hilabete batez eta ez da berriro hasiko, etenaren arrazoiak desagertzen ez diren bitartean. Ondorengo arau-hauste bakoitzeko, GLLk gutxienez 3 hilabetezko etenaldia izango du.
- GLLetako onuradunek ezingo dituzte beren diru-sarrerak erabili bere familia unitatetik kanpoko pertsonen laguntzeko.
- Pertsona batek diru sarrerak bermatzeko errenta (DBE) jasotzen baldin badu 2 urtetan UECI berezi bat bezala, bere emaztea/senarra bere herrialdean egonda, eta denbora hori igaro eta gero emaztea/senarra bere herrialdetik berrelkartzen ez badu eta DBE ukatzen baldin badiote arrazoi horrengatik, ezingo ditu GLLak eskatu. GLLak jasotzen ari bada, bi urte betetzen dituenean, baja emango zaio
- Herrialdeko ondasunen agiriak 2 urteko balioa izango du, ematen den egunetik aurrera.
- Salbuespen gisa eta gehienez ere 2 urtetan onartu ahal izango dira GLLak, Etxebideko etxe batean bizi eta beste bat jabetzan duten pertsona/familiei. Kasu hauetan horrela jokatu da:
 - Jabetzan duena alokatzen badu: lortutako errenta diru-sarrera modura kontutan hartuko da.
 - Jabetzakoa lagatzen badu, bere eskubide ekonomikoak baliarazten ez dituenek, laguntza ukatu egingo zaio.
 - Jabetzakoa donatzen badu, nahiz eta usufruktua mantendu, jabetzaren katastro-balioa diru-sarrera atipiko modura kontutan hartuko da.

- Jabetzakoa salduko balu, diru-sarrera atipiko modura kontutan hartuko da, beti ere ohiko etxebizitza erosteko inbertitzen ez badu.
- KGPko alokairurako laguntza, diru-sarrera bezala kontabilizatuko da (E.J.ren irizpiea).
- Apopiloa bat izatekotan, apopilotzatik lortutakoa diru-sarrera bezala kontutan edukiko da.
- Baldintza orokor hauek familiako kide guztiek bete behar dituzte.
- GLLen eskatzaileak udal-ogasunarekin zorrak baditu, ezin izango da GLLetarako eskubidea aitortu, salbu eta udal-zorra legokiokeen GLLkin konpentsatzeko baimena ematen bada, konpentsatu beharreko hileko/urteko zenbatekoa adierazita (gutxienez 60 €/ hilean).

3. Dirulaguntzaren zenbatekoa

1. ALOKAIRU GASTUAK

- Hilero gehienez 250€ ordainduko dira etxebizitza osoa alokatzeagatik, eta 125€ alokairua logela batengatik (apopilotza edo azpierrementamendu) edo etxebizitzan maizter bat baino gehiago badago. Zenbateko horiek ezin dira izan, inola ere, alokairu-, baterako errentamendu- edo azpierrementamendu-gastuetarako zenbateko osoaren % 70 baino handiagoak.
- Alokairu babestuko etxebizitzak direnean, edo BO Etxebizitzak, edo Udal titulartasunekoak, ez dira GLLak onartuko alokairu kontzepturako.
- Alogera kontzeptuko pertsona onuradun batek etxebizitza alokatuta baldin badauka eta azpierrementamenduko kontratua egiten badio beste pertsona bati, alokairu prezioetik deskontatuko zaio azpierrementamendutik jasotzen duen kantitatea.

2. ETXEBIZITZA EROSTEKO ESKATUTAKO KREDITUEN INTERES ETA AMORTIZAZIOEK ERAGINDAKO GASTUAK (HIPOTEKA)

- Kredituak ohiko etxebizitza ordaintzeko izan behar du. Salerosketa-eskiturak eta kredituari dagokion dokumentazioa eskatuko dira.
- GLLak arautzen dituen Dekretuaren arabera, gizarte-larrialdi egoeran egon aurretik etxebizitza edo bizitokia erostearen ondorioz hartutako kredituen interesek eta amortizazioak eragindako gastuak sartzen dira soilik; 250 € gehienez hilero, ezingo delarik kredituaren hileroko interesen edo amortizazioaren zenbatekoaren %70 gaingitu.

- Gizarte-larrialdietarako laguntzak jasotzeko gehieneko denbora ez da 5 urte baino gehiagokoa izango, bizikidetza-unitatea dagoen aldi osoan, edo ohiko etxebizitza edo bizitoki beraren gaineko kreditu bat ordaintzeko. 5 urteko muga ez zaie aplikatuko zahartzaroko pentsioen titularrei.

- BO etxebizitzak baldin badira, GLLak ez dira onartuko kontzeptu honetarako.

3. ENERGIA GASTUAK

- Energia gastu gisa kontutan hartuko dira: elektrizitatea, gasolioa, egurra, ikatza eta gasa (ur beroa barne).
- Kontzeptu honengatik gehienez 75€ ordainduko dira hilean.

4. ALTZARI ETA ETXE TRESNA ELEKTRIKOEN GASTUAK

- Laguntza hauek tramitatzeko bi aurrekontu desberdin aurkeztu beharko dira erosi aurretik.
- Alokairuan dauden onuradunek altzari eta etxe tresna elektrikoak erosteko laguntza eska dezakete, beti ere, alogerako kontratuaren arabera erosketa etxearen jabeari ez badagokio.
- Altzarien kontzeptuan gehienez 500 euro onartuko dira.
- Etxe tresna elektrikoaren kontzeptuan gehienez 500 euro onartuko dira, etxe tresna elektriko mota bakoitzeko gehieneko kopuruak jarraian adierazten dira:
 - Garbigailua 300 € .
 - Hozkailua 400 € .
 - Erauzgailua 100 €.
 - Labea 250 €.
 - Plaka 150 €.

Mikrouhin labea: 50 € (Salbuespen bezala).

5. EGOKITZAPEN, KONPONKETEN ETA OINARRIZKO INSTALAZIOEN GASTUAK

- Kontzeptu honengatik Etxebideri eskatutako subentzioaren aldeko ebazpena dagoenean, subentzioaren kopurua gastutik deskontatuko da eta ateratzen den zenbatekoa GLLak eskatzeko gastu gisa kontuan hartzen dena izango da.
- Etxe tresna elektrikoaren konponketa: 4. Puntuan adierazitako etxe tresna elektrikoaren konponketaren gastua soilik sartuko da.

- Egokitzen, konponketen eta oinarritzko instalazioen gastuetarako gehieneko laguntza: 1.000€

6.-ETXEBIZITZAREN ERABILERA ETA MANTENTZEKO GASTUAK

- Mantenu gastu gisa kontutan hartuko dira: komunitateko gastuak, etxeko aseguruia eta OHZ.
- Komunitate-gastuagatik hilean gehienez 75€ ordainduko dira .
- Etxeko aseguruaren gastuagatik, gehienez 100€ ordainduko dira.
- OHZ gastuagatik, gehienez 200€ ordainduko dira.
- Etxebizitzaren erabilera eta mantentzeko gastuentzako , laguntzaren gehieneko kopurua 900€.

7. OINARRIZKO PREMIEN GASTUAK

- Ondorengo gastuei emango zaie lehentasuna:
 - Kurtso eta formakuntzetarako garraio gastuak: MUGI txartelaren eta garraio publikoaren gastuak. Gehieneko kopurua 60€ hilean
Formakuntza ikastaroen inguruko informazioa aurkeztea beharrezkoa izango da: ordutegia, datak, eduki orokorrak, bertaratze justifikazioa...
 - Justifikazio gisa MUGI txartelaren mugimenduak edo erabilitako garraioaren txartela aurkeztuko dira.
 - Betaurrekoak erosteko gastuak: gehienez 250€ pertsonako.
 - Dentistaren gastuak: gehienez 300€ pertsonako.
Ez dira hortzak ateratzeak eragindako gastuak sartzen, ezta panoramikak eta PADI programatik sartzen diren gastuak ere.

- Betaurrekoak erosteko eta dentistaren gastuetarako laguntzak tramitatzeko bi aurrekontu desberdin aurkeztu beharko dira

Oinarritzko premien gastuetarako laguntzaren gehieneko kopurua: 1000€

8. AURRETIAZ EGINDAKO ZORPETZE-GASTUAK

- Aipatutako 1etik 7arteko kontzeptuengatik zorpetze gastuak kontuan hartuko dira beti ere , GLL eskaera egin aurretik sortu badira edo COVID-19ak eragindako alarma egoeragatik sortu badira; gehienez 3.000 eurokoa izango da UC (elkarbizitza unitatea) 1 baldin bada eta 1500 eurokoa 2 UC

baldin badira.

4. Eskaerak non eta noiz aurkeztu

- GLLak eskatzeko epea 2022-12-15arte izango da.
- Eskaerak Beasaingo Udalean aurkeztuko dira.